

Bi ikastaro berri Udako Euskal Unibertsitateko aurtengo edizioan


Urtero bezala uztailean izanen da, Iruñeko Larraona ikastetxean

Udako Euskal Unibertsitatearen (UEU) aurtengo edizioa aurkeztu zuten antolatzaileek atzo Iruñean. Ohizkoa denez, uztailaren bigarren hamabostaldian izanen da, Larraona Ikastetxean. Aurtengoan bi ikastaro berri antolatu dituzte, 'Artea' eta 'Euskal kultur gaiak' izenekoak hain zuzen. Matrikulak ekainean egin daitezke, hegoaldeko lau hiriburuetan.

T.S. / IRUÑEA

Uztailaren 18tik 30era bitarte ospatuko da aurtengo Udako Euskal Unibertsitatea (UEU). Iaz baino bi ikastaro gehiago antolatu dituzte, 28 hain zuzen, eta ikastaroez aparte beste ekitaldi batzuk ere izanen dira: bertsolariak, musika, antzerkia eta antzekoak. Kepa Altonaga UEUko lehendakaria, Mikel Aizpuru Batzorde Eragileko kidea, Mari Karmen Menika idazkaria, Mirentxu Amigorena Nafarroako Gobernuako Hizkuntz Politikarako Idazkaritzako ordezkaria eta Eugenio Arraiza izan ziren atzoko aurkezpenean.

Ohizkoa denez, ikastaroak bost sailetan daude banaturik: Artea eta Komunikazioa, Giza eta Gizarte-Zientziak, Hizkun-



Ikastaroak uztailaren 18tik 30era bitarte egingo dira.

LACALLE

tzalaritza, Natur Zientziak eta Osasuna eta, azkenik, Zientziak eta Teknikak. Aurreko urteetako bidetik doaz eta berrikuntza bakanak 'Artea' eta 'Euskal Kultur gaiak' izeneko ikastaroak dira. 'Artea' astebeteko ikastaroa izanen da eta, orain arte Historia-ekin batera antolatua bazegoen ere, gaiak gehiago behar zuela ikusita antolatzea erabaki zuten.

'Euskal Kultur gaiak' izenekoak, bestalde, Eugenio Arraizak zuzenduko du. Honekin, euskal kulturaren ikuspegi zabala eskaintzeko asmoa dute. Arraizak azaldu zenez, «hutsune bat bete nahi dugu».

UEUk dituen 22 urte hauetan «unibertsitatea eta euskara uztartzen» saiatu direla azaldu zuen

Altonagak, «eta eduki unibertsitarioa duten ikastaroak prestatu ditugu, arlo honetan euskarazko eskaintza oso urria baita». Aurrekontuari dagokionez, 1994. urteko aurrekontu orokorra 37 milioi pezetakoa izan da, eta «horietatik 23 Iruñeko ikastaroak ordaintzeko erabiliko dira». Diru horri aurre egiteko, ikasleen matrikulak (7-8 milioi) eta dirulaguntzak erabiliko dituzte. Nafarroako Gobernuak hiru milioi pezeta emanen ditu aurtengoan, eta Eusko Jaurlaritzak, Gipuzkoako Diputazioak eta Europako Elkarteak ere dirua emanen dute. Matrikula egiteko epea ekainean leian hasiko da, uztailaren 1a arte, eta prezioak iazkoak izango dira.

Drogen normalizazioa aldarrikatuz Bizirik Eguna ospatuko du Askagintzak bihar Bilbon

BILBO

Urtero egin ohi duen udaberriko kanpainari amaiera emateko, Bizirik Eguna ospatuko du drogamenpekotasunaren aurka diharduen Askagintza elkarteak bihar Bilbon. Hori dela eta, ekitaldi ugari antolatu dituzte, egun osoan zehar Bilboko erdigunean

eta Alde Zaharrean egingo direnak. Honela, besteak beste, kale animazioa, tailerrak, haurrentzako jolasak eta herri kirolak izango dira bihar Bilbon.

Hala ere, alkoholik gabeko bi edari berriren promozioa da antolatu duten ekintzarik deigarriena. Izan ere, Bilboko Alde Zaharreko 40en bat tabernatan

Bizigorri eta Biziberde izeneko edariak izango dira salgai, hainbat frutaren urez egindakoak. Aurrerantzean, bi edari horiek zuritoaren salneurrian emateko konprometua hartu dute gainera Alde Zaharreko tabernariak.

Ekitaldi guztion bidez, drogen normalizazioa bultzatu nahi du Askagintzak.


PP: «Jauregik Osakidetza ikerketa batzordean deklaratu beharko luke»

G.A. / BILBO

Ramon Jauregi PSE-EE alderdiko idazkari nagusi eta parlamentariak Osakidetza iruzurra ikertzen ari den batzordean deklaratu beharko lukeela adierazi zuen atzo Jaime Mayor Oreja PPko EAEko lehendakariak. Honen haritik, Mayor Orejak «akats larritzat» jo zuen Jose Antonio Ardanza lehendakaria Jauregiaren agerraldiaren aurka agertu izana, baita «ulertezintzat» ere Ardanza auzi honetan sartu izana.

PSE-EEko idazkariordea den Marcos Merino PPko kide izango balitz, gaur egun alderdiko idazkariordea ez litzatekeela izango ziurtatu zuen atzo Marcos Merinok. Orobat, alderdian militatzeari utzi beharko liokeela gaineratu zuen.

Osakidetza auzia dela eta PSE-EEko hiru kide atxilotu ostean alderdi honek «agertu duen erreazio falta, eskandalu politikotzat» jo du PPko lehendakariak. Honen ildotik, «penagarritzat» hartu zuen PSE-EEko Batzorde Etikoren jokabidea.



Jaime Mayor Oreja.

Marcos Merinoren hitzetan, «erabaki politiko baten aurrean gaude, berarekin batera ondo antolatutako sarea daramana. Gaur ezin dut esan nor den erabaki politiko horren erantzulea, hori epaileak edo ikerketa batzordeak argitu beharko dute».

Erabaki politiko hori «izaera bikoitzeko pertsonen» bitartez instrumentaltzatzen ari dela gaitsetzi zuten iturri berberak. «Pertsona hauek Osakidetza zerbitzuko kideak dira eta, era berean, PSE-EEko militanteak.

Auzitegi Gorenak ez du onartu irakasleek jarritako errekurtsioa

DONOSTIA

Espainiako Auzitegi Gorenak atzera bota du Euskal Herriko Unibertsitatearen (EHU) Gipuzkoako Kanpuseko irakasle elkarteak batzuek Euskal Autonomi Elkarteko (EAE) Justizia Auzitegi Nagusiak 1992an hartutako erabakiari jarritako errekurtsioa. EHUKo prentsa bulegoaren arabera, 1992ko epai hark irakasle hauek EHUREkin lotzen zituzten lan kontratuak aldibatekoak zirela baietsi zuen. Irakasleek, berriz, ez zituzten 1990eko kontratu administratiboak sinatu, EHUREkin lotzen zituen harremana

mugagabeko lan harremana zela argudiatuta.

Gerora, eta beti ere EHUKo prentsa bulegoaren arabera, irakasle guztiek, bederatzik izan ezik, EHUK eskaintako kontratu berriak sinatu zituzten. Prentsa bulegoaren irudiko, kaleratu berri den epai honek aurretiaz agertutako beste epai bik adierazitakoa berresten du. Epai bi horiek Araba eta Bizkaiko kanpuseko irakasle elkarteak zegozkienak dira.

Hau guztia kontuan izaki, prentsa bulegoaren ustez Justizia Epaitegi Arruntetan egin beharreko guztiak egin dira dagoeneko.

HILDAKOAK

ARABA

- GASTEIZ Maria Luisa Laserna Ortiz de Zarate, 79 urte. Asuncion San Vicente Arrieta, 94 urte.
- LANGRAIZ OKAMaria Concepcion Ortiz de Luna Pinedo, 91 urte.

BIZKAIA

- BILBO Miguel Almagro Rodriguez, 66 urte. Susana Moreno Gonzalez. Gertrude Greally, 95 urte. Maria Pilar Goti Etxebarria, 65 urte.
- ALGORTA Maria Elena Amezcua Zuazo, 80 urte.
- AREETA Maria Angeles Martinez Ibarra, 71 urte.
- BARAKALDO Felipe Fernandez Armiñanzas, 62 urte. Florencia Ferrer Palacin, 80 urte. Santiago Alamo Alamo, 76 urte.
- ETXEBARRI Rogelio Miranda Alvarez, 52 urte.
- GAMIZ Ana Atela Markaida, 85 urte.
- GERNIKA Angel Maguregi Olaeta, 82 urte.
- PORTUGALETE Felipe Tamayo Irazu, 76 urte.
- SANTURTZI Julio Bernardo Gonzalez, 56 urte.

- ZALLA Victor Llano Otegi, 56 urte. Ignacia Hurtado Talledo, 91 urte.
- ZORNOTZA Evaristo Gorriño Aranburu, 70 urte.

GIPUZKOA

- DONOSTIA Alfonso Tome Gallego, 71 urte. Jose Joaquin Larrañeta Gil, 66 urte. Maria Jesus Vazquez Leranoz. Teodoro Izquierdo Lain, 67 urte. Carmen Val Aldasoro, 86 urte. Francisco Gomez Bravo, 60 urte. Josetxo Ortiz de Urbina Gutierrez.
- HERNANI Pedro Urkiola Sorluze, 68 urte.
- HONDARRIBIA Eusebia Amorrortu Mendia, 79 urte. Roberto Agirre Saiz, 38 urte.
- OIARTZUN Benita Vidal Silvan, 88 urte.
- OÑATI Garbiñe Gomez Goenaga, 26 urte.
- PASAIA Rafael Guerra Parrado, 83 urte.

LAPURDI

- ANGELU Marie Jeanne Bohn-Chenu, 81 urte.
- MIARRITZE Andre Bellegarde, 80 urte. Raphael Daraspe, 97 urte.

NAFARROA

- IRUÑEA Jesus Nagore Bermejo, 75 urte. Encarnacion Sagaseta Arrieta, 82 urte. Encarnacion Lizarraga Itoiz, 89 urte. Pascual Jimenez Basarte.
- ALTSASU Fidencio Vital Santano, 81 urte.
- ARANO Maria Juana Molina Narvarte, 34 urte.
- ETXALAR Maria Teresa Durruti Erdossia, 81 urte.
- ZANGOZA Roman Pelegrin Perpetua, 52 urte.

NAFARROA BEHEREA

- DONIBANE GARAZI Jean Chateaufort.
- BASTIDA Marguerite Le Guelin-Dufourcq, 73 urte.
- DONOZTIRI Jean Aintziart, 74 urte.
- IBARLA Jeanne Minaberrigarai-Bordazahar, 92 urte.

ZUBEROA

- MAULE Myriam Garrote, 27 urte.

ESKELAK

ESKELAK HARTZEN DIRA:

ARRATSALDEKO

4ak arte: (943) 46 90 22

4etatik 7etara: (943) 37 15 45